

Ўзбекистон Республикаси ИИВ Академияси
Кундузги таълим 1 ўқув курси 132 гуруҳ курсантлари иштирокида
ўтказилган муҳокама
БАЁННОМАСИ

2026 йил февраль
шаҳри

Тошкент

Раис – О.Н. Ўринкулов

Котиб – Б.А. Нарзуллаев

Қатнашдилар: гуруҳ куратори майор О.Н.Ўринкулов, 132 гуруҳ курсантлари. Жами: 21 нафар.

КУН ТАРТИБИ:

1. Ўзбекистон Республикаси Президенти, Қуролли Кучлар Олий Бош Қўмондони Шавкат Мирзиёев раҳбарлигида жорий йилнинг 13-январ куни Хавфсизлик кенгашининг мамлакатимиз ҳарбий хавфсизлиги ва мудофаасини мустаҳкамлаш масалалари бўйича кенгайтирилган йиғилишида кўриб чиқилган асосий масалаларнинг мазмун-моҳиятини курсантларга етказиш.

2. Ўзбекистон Республикаси Президенти Шавкат Мирзиёев раҳбарлигида Тошкент шаҳрида хавфсиз муҳитни шакллантириш ҳамда жамоат хавфсизлигини самарали таъминлаш бўйича намунавий амалиётни яратиш чора-тадбирлари юзасидан жорий йилнинг 27-январ куни бўлиб ўтган видеоселектор йиғилишида кўриб чиқилган асосий масалаларнинг мазмун-моҳиятини курсантларга етказиш.

3. 2025/2026-ўқув йилининг қишки сессияси натижалари, унда йўл қўйилган камчиликлар ва уларни келгусида бартараф этиш борасидаги вазифалар ҳақида (ўқув гуруҳлари кесимида).

Кун тартибидаги 1-масала юзасидан гуруҳ куратори, майор О.Н. Ўринкулов сўзга чиқиб:

Президентимиз раҳбарлигида ўтказилган Хавфсизлик кенгаши йиғилишида мамлакатимиз мудофаа қудратини янада мустаҳкамлаш, армияни замонавий технологиялар билан жиҳозлаш ва ҳарбий таълим тизимини модернизация қилиш масалалари атрофлича муҳокама қилинди. Замонавий уруш табиати тўндан ўзгаргани, сунъий интеллект, рақамли бошқарув, кибер хавфсизлик ва роботлашган тизимлар асосий қуролга айлангани таъкидланди. Шу боис, ҳарбий хизматни ўтаган ёшлар учун касб сертификати бериш, олий таълимга кириш имкониятлари яратиш ва

ижтимоий имтиёзлар назарда тутилмоқда. Бу орқали армия нафақат мамлакат хавфсизлигини таъминлайди, балки ёшларимизнинг келажақда жамиятда муносиб ўрин топишига ҳам хизмат қилади

Кун тартибидаги 1-масала юзасидан 132-гуруҳ курсантлар сўзга чиқиб:

Абдурахимов Алибек: Армияда ёшларни касбга тайёрлаш тизими жуда муҳим. Чунки ҳарбий хизматни ўтаган йигитлар нафақат жисмоний ва маънавий жиҳатдан, балки касбий жиҳатдан ҳам тайёргарлик кўриб чиқишади. Бу уларнинг келажақда жамиятда муносиб ўрин топишига, оиласи ва Ватан олдида масъулиятли шахс бўлиб етишишига хизмат қилади.

Абдурашидов Аюбхон: Замонавий урушда танк ёки самолётлардан кўра сунъий интеллект ва рақамли технологиялар асосий қуролга айланиши ҳақидаги фикрлар жуда муҳим. Биз курсантлар бунинг англаб, келажақда ҳарбий соҳада рақамли билим ва кибер хавфсизликни чуқур ўрганишимиз зарур.

Сатторов Хасан: Ҳарбий хизматни ўтаган ёшларга бериладиган имтиёзлар уларнинг мотивациясини ошириши ва Ватанга садоқатини мустаҳкамлашига ишонаман. Масалан, олий таълимга киришда имтиёзлар, касб сертификатлари ва кредитлар ёшлар учун катта рағбат бўлади.

Кун тартибидаги 2-масала юзасидан гуруҳ куратори, майор О.Н. Ўринкулов сўзга чиқиб:

Президентимиз раҳбарлигида ўтказилган видеоселектор йиғилишида Тошкент шаҳрида жамоат хавфсизлигини таъминлаш, ҳуқуқ-тартибот идоралари фаолиятини қайта кўриб чиқиш ва янги тизим жорий этиш масалалари муҳокама қилинди. Пойтахтдаги жиноятчилик ҳолатлари таҳлил қилиниб, профилактика хизматларини кучайтириш, патрул-пост хизматини 3 сменали тартибда ташкил этиш, дронлар орқали кузатув йўлга қўйиш ва кибержиноятчиликка қарши алоҳида департамент ташкил этиш вазифаси қўйилди. Шунингдек, профилактика инспекторларини моддий ва ижтимоий қўллаб-қувватлаш чоралари белгиланди. Бу чоралар жамоат хавфсизлигини таъминлашда янги босқичга олиб чиқиши кутилмоқда.

Кун тартибидаги 2-масала юзасидан 132-гурух курсантлар сўзга чиқиб:

Собиров Аҳмад: — Жамоат хавфсизлигини таъминлашда профилактика хизматларининг роли катта. Агар профилактика инспекторлари ўз вазифаларини тўлиқ бажарса, жиноятчиликнинг олдини олишда катта самарага эришиш мумкин. Шунинг учун уларни моддий ва маънавий жиҳатдан қўллаб-қувватлаш зарур.

Сабуров Озодбек: — Кибержиноятчиликка қарши курашда замонавий технологиялардан фойдаланиш ва махсус департамент ташкил этилиши муҳим қадам. Чунки интернет орқали содир этилаётган жиноятлар кундан-кунга кўпаймоқда. Бу соҳада малакали кадрлар тайёрлаш ва уларни рағбатлантириш зарур.

Хурсандов Алимардон: — Патрул хизматларини кучайтириш ва аҳоли билан тўғридан-тўғри мулоқотни йўлга қўйиш хавфсизликни таъминлашда самарали бўлади. Масалан, кўчада формали ходимга мурожаат қилиш “102” га қўнғироқ қилиш билан тенг бўлиши аҳоли учун катта қулайлик.

Кун тартибидаги 3-масала юзасидан гурух куратори, майор О.Н. Ўринкулов сўзга чиқиб:

— 2025/2026-ўқув йилининг қишки сессияси Академиямизда белгиланган таълим стандартлари асосида ўтказилди. Сессия давомида курсантларнинг билим савияси, дарсларга қатнашиши, мустақил тайёргарлиги ва интизоми атрофлича баҳоланди. Айрим курсантлар юқори натижаларга эришган бўлса-да, баъзиларда камчиликлар кузатилди. Хусусан, баъзи курсантлар дарсларга кечикиш, топшириқларни ўз вақтида бажармаслик, имтиҳонларда етарли тайёргарликсиз қатнашиш каби ҳолатларга йўл қўйган. Бу каби камчиликларни келгусида бартараф этиш учун ҳар бир курсант ўз ўқиш режасини қайта кўриб чиқиши, устозлар билан яқин ҳамкорликда ишлаши ва кундалик машғулотларга масъулият билан ёндашиши лозим.

Шу билан бирга, сессияда юқори натижа кўрсатган курсантлар ҳам бор. Улар ўз билимлари, интизоми ва фаоллиги билан бошқаларга намуна бўлмоқда.

Кун тартибидаги 3-масала юзасидан 132-гурух курсантлар сўзга чиқиб:

Бобоноров Мурод: — Мен сессияга тайёргарликни эрта бошладим. Ҳар бир фан бўйича конспектлар тайёрлаб, саволларга жавоб топишга ҳаракат қилдим. Бу менга имтиҳонларда ишонч билан қатнашиш имконини берди..

Набидуллаев Баҳодиржон: — Академиядаги таълим тизими курсантларни мустақил фикрлашга, масъулиятни ҳис этишга ўргатади. Қишки сессиядаги муваффақиятим — шу тизимга тўғри ёндашганим натижасидир. Келгусида ҳам шу руҳда ҳаракат қилишни мақсад қилганман.

Абдуллаева Маржона: — Қишки сессиядаги муваффақиятимга сабаб — режали тайёргарлик, дарсларга мунтазам қатнашиш ва устозларимнинг кўрсатмаларига қатъий амал қилиш бўлди. Ҳар бир курсант ўз олдига мақсад қўйиб, шу мақсад сари интилиши керак.

Қ А Р О Р Қ И Л А Д И:

1. Кундузги таълим 1 ўқув курси 132 гурух куратори кафедра катта ўқитувчиси, майор О.Н.Ўринкуловнинг кун тартибидаги масалалар юзасидан ахбороти маълумот учун қабул қилинсин;

2. Гуруҳда ўтказилган баённома кўчирмаси Ўқув-услубий бошқармага топширилсин.

3. Баённома қарорлари ижроси юзасидан назоратни ўз зиммамда қолдираман.

Раис:
Ўринкулов

О.Н.

Котиб:
Нарзуллаев

Б.А.